

CONVENIO DE COLABORACIÓN ENTRE A ENTIDADE PÚBLICA EMPRESARIAL PORTOS DE GALICIA E O CONCELLO O GROVE PARA O AUXILIO E COLABORACIÓN NA VIXILANCIA DAS INSTALACIÓNS DO PORTO DE O GROVE NO SEU CONXUNTO E A ORDENACIÓN DO TRAFICO NA ZONA PORTUARIA

Susana Lenguas Gil, en nome e representación da Entidade Pública Empresarial EPE Portos de Galicia EPE Portos de Galicia, na súa calidade de Presidenta, cargo para o que foi nomeada por Decreto 80/2019, do 11 de xullo (D.O.G. do 12 de xullo), con domicilio aos efectos deste convenio na Praza de Europa, nº 5A, 6º, Área Central, Polígono de Fontiñas, 15707 Santiago de Compostela (A Coruña), actuando en virtude das facultades que a tal efecto lle confiren os artigos 12.3.a) e 12.3.g) da Lei 6/2017, de 12 de decembro, de EPE Portos de Galicia (D.O.G. do 14.12.2017).

Doutra parte, José Antonio Cacabelos Rico, alcalde-presidente do Concello de O Grove, con domicilio aos efectos deste convenio en Plaza Corgo 1, 36980, O Grove (Pontevedra), facultado para este acto en virtude das competencias que lle reconece o artigo 21.l.b) da Lei 7/1985, de 2 de abril, reguladora das bases do Réxime Local e o 61.1º.a) da Lei 5/1997, do 22 de xullo, de Administración Local de Galicia.

Ámbalas dúas partes recoñécense mutuamente na calidade en que interveñen coa capacidade legal necesaria para o outorgamento deste convenio e para o efecto

EXPOÑEN

A entidade pública empresarial Portos de Galicia, conforme aos artigos 1, 2 e 4 da súa lei 6/2017, de 12 de decembro, de portos de Galicia, ten entre os seus obxectivos básicos, o fomento das actividades comerciais e industriais relacionadas co tráfico portuario, a integración dos portos no entorno municipal e social dinamizando a actividade portuaria e cultura do mar, e en xeral o fomento da actividade económica no eido dos portos en beneficio da comunidade concentrada na súa zona de influencia.

O Ente Público Portos de Galicia, procura a integración posible entre as infraestruturas porto e a vila que faciliten, non só a intermodalidade, senón tamén unha axeitada coordinación das relacións e necesidades das entidades e corporacións que interactúan no porto e na vila.

O concello de O Grove, en base a Lei /1985, de 2 de abril, reguladora das bases do Réxime Local e a Lei 5/1997, do 22 de xullo, de Administración Local de Galicia, para dar cumprimento ás súas funcións de promoción e desenvolvemento de actividades para a vertebración do sistema de mobilidade e transporte dentro da vila de O Grove, precisa de dispor de maior aparcamento na tempada estival polo aumento puntual desta demanda; razóns pola que está interesado na posibilidade de uso de zonas de aparcamento portuarias que se identifica no plano adxunto, ao tempo que colaborará na limpeza extraordinaria e na vixilancia e control do aparcamento mediante a ordenación do tráfico na zona coa intervención da grúa municipal se fora preciso para o correcto funcionamento para as necesidades portuarias.

A zona do porto de O Grove que se destina a aparcamento constitúe tamén unha unidade funcional que desenvolve unha función de acceso a determinadas zonas portuarias, e que esta dotado dun tratamento do viario que integra o tráfico (peonil e motorizado).





A funcionalidade da instalación portuaria e os tramos horarios fixados nesta colaboración permitirán o mantemento prevalente da operativa e servizos portuarios.

Xa que logo, ámbalas Administracións acordan regular as súas relacións no que atinxe ao uso de aparcamento, á vixilancia e control do tráfico das referidas instalacións, e formalizan o presente convenio, conforme ás seguintes,

CLÁUSULAS

PRIMEIRA. OBXECTO.-

O obxecto do presente convenio consiste en regular a colaboración entre o Concello de O Grove, e o Entidade Pública Empresarial Portos de Galicia no que atinxe ao auxilio para o uso e regulación do tráfico e aparcamento nas zonas portuarias recollidas no plano anexo ao convenio con intervención da grúa municipal para deixar libre o dito espazo para as necesidades de circulación e de aparcamento así como para actuacións derivadas das necesidades portuarias, diferenciando superficies de uso de forma continuada e exclusivas na tempada estival de 15 de xuño a 15 de setembro.

SEGUNDA. COMPROMISOS DO CONCELLO DE O GROVE.-

O concello de O Grove, poderá facer uso ao amparo deste convenio da superficie portuaria identificada no plano adxunto (excepto zonas concesionais) e en tempada estival (en diante explanada estival) a que se delimita entre a zona os departamentos o edificio do bombeo e o borde do relleno portuario.

Para a execución e efectos deste convenio na explanada estival, o Concello deberá eliminar calquera referencia ao uso da explanada distinto do aparcadoiro. Ademais o Concello deberá manter a superficie en perfectas condicións durante a vixencia e efectos do Convenio.

O Concello tamén se compromete durante os períodos de uso das explanadas, entre tanto este vixente o convenio:

- manter a orde pública e a ordenación do tráfico mediante a policía local con intervención de ser preciso, do servizo da grúa municipal, sen aplicación de ningún custo a Portos de Galicia en toda a zona portuaria recollida no plano adxunto.
O compromiso estendese ás limpeza extraordinarias da explanada portuaria delimitada neste convenio con motivo de usos indebidos desta.
- No marco deste auxilio e colaboración na vixilancia e ordenación do tráfico e aparcamento, nas instalacións portuarios do aparcamento do Porto, respectando en todo caso as competencias de Portos de Galicia en canto ao control, ordenación e coordinación do tráfico terrestre do artigo 113.2.a) da Lei 6/2017, de portos de Galicia, poderá a Policía Local exercer a facultade sancionadora en materia de tráfico e circulación vial naqueles vieiros abertos á circulación cuxo acceso e uso xeral non se atopa limitado nin restrinxido con control previo da Autoridade portuaria, retirando os vehículos que infrinxan as normas de aparcamento e circulación por medio do servizo de grúa municipal
- Denunciar ante Portos de Galicia as infraccións cometidas en materia de circulación viaria.





- Repoñer o pintado da sinalización horizontal viaria e máis a reposición da sinalización vertical cando proceda polo seu desgaste, deterioro ou rotura.
- A reparación de calquera outro dano derivado do uso como aparcamento municipal aberto de zonas portuarias.

O Concello de O Grove acreditará que dentro de a súa póliza de responsabilidade civil/patrimonial como administración pública se recollen os riscos derivados das obrigas que asume en virtude deste convenio.

TERCEIRA.-COMPROMISOS DO ENTE PÚBLICO PORTOS DE GALICIA.-

Portos de Galicia, autoriza o uso de aparcamento e auxilio e vixilancia de tráfico obxecto deste convenio, sen que a intervención do Concello de o Grove ao abeiro deste pacto sobre terreos de dominio público portuario identificados segundo plano anexo ao mesmo, implique cesión de competencia ou limitación ou perda das potestades administrativas e facultades de xestión e explotación vencelladas aos fins de Portos de Galicia nin supón un cambio de titularidade ou cualificación xurídica dos bens cedidos.

CUARTA. COMISIÓN DE SEGUIMIENTO

Dentro do prazo de quince días, a contar dende a data de asinamento deste convenio, crearase unha Comisión Mixta de seguimento e control da execución do convenio, que resolverá as controversias que puideran xurdir.

Serán funcións desta comisión:

- Impulsar e avaliar o cumprimento do presente convenio naqueles aspectos técnicos obxecto deste, propoñendo aquelas actuación que se consideren precisas.
- Propoñer ás partes a resolución das posibles controversias que puideran xurdir na aplicación do presente convenio.

Esta comisión reunirse as veces que se estimen oportunas para o cumprimento do presente convenio.

A Comisión de seguimento estará integrada por unha Presidencia, que recaerá no presidente de Portos de Galicia ou persoa na que delegue, e por catro vocais, dous nomeados polo Concello de O Grove e dous por Portos de Galicia.

A este respecto, o nomeamento de Portos de Galicia recae no Xefe de Zona Sur e no Garda-peiraos do porto.

QUINTA. INEXISTENCIA DE RELACIÓN CONTRACTUAL

Este Convenio non supón asociación algunha ou dependencia entre o persoal dependente das partes asinantes, que actuarán de xeito absolutamente independente e autónomo, sendo obriga específica e exclusiva de cada unha delas cumprir con cantas obrigas legais que como empregadores lle correspondan no desenvolvemento da súa actividade ao abeiro deste convenio. Deste xeito, a subscrición do presente convenio non comportará relación laboral, contractual ou de calquera outro tipo entre as partes asinantes deste convenio e os





profesionais e empresas que por conta das partes asinantes desenvolvan as actividades obxecto deste convenio; de tal xeito que non se lle poderá esixir responsabilidade algunha directa, indirecta ou subsidiariamente polos actos ou feitos acaecidos no desenvolvemento do mesmo.

SEXTA. RESPONSABILIDADE FRONTE A TERCEIROS

Fronte a terceiros: Habida conta dos riscos que se podan derivar na utilización das instalacións para o fin a que están destinadas, as partes responderán respectivamente dos danos que se deriven a terceiros polo cumprimento defectuoso das obrigas que cada unha asume por medio deste convenio.

A responsabilidade regulada nesta cláusula establécese nos termos do artigo 33 da Lei 40/2015, do 1 de outubro, de réxime xurídico do Sector Público.

Ao abeiro do dito artigo 33.3 da Lei 40/2015, do 1 de outubro, de réxime xurídico do Sector Público, a competencia para instruír o expediente de reclamación patrimonial corresponderalle á EPE Portos de Galicia. En todo caso, o Concello de O Grove terá a consideración de interesado nos procedementos administrativos de reclamación de responsabilidade patrimonial que se tramiten ao abeiro do previsto nesta cláusula.

SÉTIMA. PUBLICIDADE

En canto á publicidade, procederáse de conformidade co mandato da Lei 1/2016 do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios e de sancións da Xunta de Galicia.

Así mesmo, conforme a instrución cuarta a) da Circular nº 1/2016 do 15 de febreiro de 2016, da Comisión interdepartamental de información e aclaración pola que se ditan instrucións en materia de convenios para a aplicación da Lei 1/2016 de 18 de xaneiro de 2016, de transparencia e bo goberno os asinantes do convenio manifiestan o seu consentimento e autorización para que os datos persoais que contén no convenio e mailo resto de especificacións contidas no mesmo, podan ser publicados no Portal da Transparencia e Goberno Aberto.

En virtude co disposto no parágrafo anterior o Concello de O Grove e Portos de Galicia consenten expresamente a inclusión e publicidade no devandito rexistro do convenio.

OITAVA. -CAUSAS DE RESOLUCIÓN.

As dúbidas que se presenten na súa interpretación, en caso de discrepancias, serán resoltas, visto o informe da Comisión de Seguimento, pola Presidencia de Portos de Galicia, poñendo fin á vía administrativa.

Serán causas de extinción do convenio:

- O non cumprimento do seu obxecto.
- A inviabilidade da realización das actuacións descritas neste convenio por causas non imputables ás partes.

ENTIDADE PÚBLICA EMPRESARIAL PORTOS DE GALICIA
Servizos Centrais

Praza de Europa 5A – 6ª Planta
15707 Santiago de Compostela (A Coruña)
T. 881 950 095 – F. 981 545 324
www.portosdeg Galicia.gal





- A denuncia por causas de interese público a instancia de calquera das partes.
- O transcurso do prazo de vixencia do convenio sen acordarse a prórroga do mesmo.
- O acordo unánime de todos os asinantes.
- O incumprimento das obrigacións e compromisos asumidos por parte dalgún dos asinantes.

A este efecto o incumprimento poderá ser de carácter total ou parcial de calquera das cláusulas do convenio. Entenderase por incumprimento parcial aquel que implica en maior ou menor grado a non consecución dos fins propios do convenio ou impidan de xeito directo ou indirecto as actuacións previstas nel.

Neste caso, calquera das partes poderá notificar á parte incumpridora un requirimento para que cumpra nun determinado prazo coas obrigacións ou compromisos que se consideran incumpridos. Este requirimento será comunicado ao responsable do mecanismo de seguimento, vixilancia e control da execución do convenio e ás demais partes asinantes. Se transcorrido o prazo indicado no requirimento persistise o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio. A resolución do convenio por esta causa poderá levar a indemnización dos prexuízos causados, estes prexuízos taxaranse contraditoriamente polas partes.

Cada unha das situacións descritas por sí soa é causa suficiente da resolución do convenio.

No caso de extinción anticipada, por algunha das causas anteriores, e respecto ás actuacións en curso, a liquidación deste convenio axustarase ó que segue:

De calquera xeito, e de selo caso, o concello de O Grove antes da firma da acta de extinción por calquera causa, repoñerá o dominio público portuario nas condicións de operatividade en que lle foi entregado, en canto ó seu estado, uso e protección.

No caso de que sexa preciso realizar obras, estas deberán ser autorizadas por Portos de Galicia, e de non realizarse por causa imputable o Concello, este aboará as indemnizacións que correspondan.

En todo caso con carácter previo á súa liquidación as partes poderán aprobar, a proposta da comisión de seguimento, a finalización de todas as actuacións fixando un prazo improrrogable para terminalas.

Sen prexuízo do anterior, o convenio, de acordo co art. 51 da Lei 40/2015 extinguirase polo cumprimento das actuacións que constitúen o seu obxecto ou por incorrer en causa de resolución.

NOVENA. NATUREZA E RÉXIME XURÍDICO

O presente convenio ten carácter administrativo e regularase polo establecido neste, e supletoriamente polos principios do texto refundido da Lei de contratos do sector público aprobado por Real decreto legislativo 3/2011, do 14 de novembro, sen prexuízo da aplicación dos seus principios e criterios para resolver as dúbidas e lagoas que puideran presentarse,





consonte o establecido no artigo 4.2 da antedita lei e pola Lei 40/2015, do 2 de outubro, de Réxime xurídico do Sector Público.

O desenvolvemento dos seus compromisos, obrigas e demais actuacións contidas no presente convenio rexeranse polo establecido nas súas cláusulas.

DÉCIMA. VIXENCIA DO CONVENIO.-

Este convenio entrará en vigor ó día seguinte ó da súa sinatura, estendendo a súa vixencia polo período de tempo de 4 (catro) anos e que poderá ser obxecto de prórroga, salvo denuncia deste por parte de algunha das administracións afectadas, antes da súa finalización.

En todo caso, Portos de Galicia de xeito motivado poderá desistir do convenio deixando o sen efecto, cun preaviso de 15 días de antelación á data que fixe para a cesación do convenio. Esta vixencia se computará desde a data de sinatura pola última parte en realizala.

UNDÉCIMA.- MODIFICACION DO CONVENIO.

As modificacións formalizaranse mediante addenda a este convenio cos mesmos requisitos e condicións que para a aprobación do convenio.

Para cumprimentar o presente convenio en todas as súas partes subscríbese por triplicado exemplar, no lugar e data ao principio indicados.

A PRESIDENTA DA E.P.E.
PORTOS DE GALICIA


O ALCALDE DO CONCELLO DE O
GROVE

Susana Lenguas Gil


José Antonio Cacabelos Rico



As representacións contidas neste plano son unha representación gráfica aproximada realizada segundo o disposto no artigo 10.º do Regulamento de Cartografía Oficial do Ministerio de Fomento, e non se garante a exactitude das mesmas. A responsabilidade do seu uso corresponde ao usuario.



- LIÑA DE DESLINDE DPTM
- ZONA DE SERVIZO DO PORTO
- SUPERFICIE AFECTADA POLO CONVENIO
- CHAIRA ESTIVAL



XUNTA DE GALICIA CONSELLERÍA DO MAR			
O GROVE (O Grove-Pontevedra)		CARTOGRAFÍA OFICIAL ACTUALIZADA	
SISTEMA DE REFERENCIA XEODÉSICA: UTM-ETRS89 hu 29, Elipsoide GRS80, Altura referida ao zero hidrográfico do porto.		TÍTULO DO PLANO: ZONA DE SERVIZO DO PORTO	
REVISIÓN:	CLAVE PORTO:	ESCALAS:	DATA:
220719_OGrove_R26-T	13-08	1:1250	19-07-2022
N.º PLANO: 04		N.º PORTO:	
FOLLA: 1 DE: 1		13	

